

(此為譯本，原文以點字書寫)

(This is the translation of an original braille submission.)

註：在原有文件中拼錯的字詞全部無經改正。

Note: Misspelled words are kept as they are in the original documents

美麗新香港

地方的租務需要管制

去地產舖搵層樓租，就已經對香港絕望

係咁嘅，話說頭先去咗地產行搵樓租，見到有間 350 呎套房

「老細我想租呢間」

「萬二，管理費水電另計」

哇…CLS

我心維諗：唔通我聽錯咗？上個禮拜嚟睇先至\$9000 包管理費水電費嗎！

我決定再問多句：「初頭唔係\$9000 全包咩？咁快就加價？」

「係啊，而家電費乜嘢話加就加，屋租咪跟手加埋囉…」

哦…冇計啦，呢樣又加、個樣又加！」果陣我已經有小小嘍覺得唔歡喜

跟手睇埋其他租盤…嚇死人咩？250 呎 8000 大洋

上個星期先\$5000 都唔駛家陣起到\$8000 仲邊有人夠膽租？

有人仲好意思講「你話貴咪租過第二怨囉，百五呎籠屋都唔夠用？」我就知呢啲咁嘅人成口仁義道德

家陣我哋平民老百姓比人光天化日搶錢，日日比地鐵、領

展、強積金掠水掠到盡，又唔見你出一句聲？

剩係識喺到踩自己一腳、助紂為虐，睇人蝕底最開心；物價高企、地鐵、電力加價又唔見你嘈？

見到最低工資、最高工時反而走去嘈，去鬧幫你同我爭取權益嘅嗰班人，話佢哋唔應該攞亂個香港——好心你哋用吓個腦啦得唔得啊？

最 Q 討厭政治嘢

班友又係…依家連填平水塘、橫洲起唔起公屋、高爾夫球場拆定唔拆，都係政治角力

中國大陸壟斷晒成個建造業，以至係租務市場，香港都冇力同大陸拗之餘，根本都唔想睬你、幫你去拗，點解？因為驚得罪大陸個頭啲人丫嗎！

你話我剩係搵樓嚟住都可以提升到政治層面係多 X 餘唔緊要;叫我「諗

吓今晚食乜餸好過啦」我都唔會怪你，但係事實又係點？

呢個政府，仲有嗰班議員，除左出嚟講兩句「表示關注」、同埋通街掛橫額「強烈要求」、「成功爭取」之外，重同你做過啲乜嘢？

吓吓「關注」、「要求爭取」完，自己走咗去投反對票、棄權票，咁就學人叫做「政府做咗好多嘢」㗎啦？

想搵租盤，除咗闊落啲，舒適啲，就係想平啲

但係如果平都平唔到、而且係迫澀到嘔（重未知人地肯唔肯租比你啲）嘅時間，香港人：（你哋點解仲頂得順，重可以忍得落手？）

租務管制一出嚟，樓價係唔係跌硬九成先？

我哋買唔起租唔起樓，係唔係因為我哋剩係識冇錢去日

本先？

係唔係起好港珠澳大橋、高鐵站，啲錢就會落我哋袋，係咪？

香港未必急住要民主，但係改善生不如死嘅居住環境，係（刻不容緩）嘅事！

麻煩各位唔好再比班政客亂噏廿四，唔好比佢哋郁身郁勢，好唔好？

2018 年 5 月 18 日
廣州民主化運動紀

念日

本組織支持許智峯議員近日為保障政制發展健全所產生嘅義舉。